

INUIT ATAQATIGIIT INATSISARTUNI



UPA2022/121

Ulloq saqqummiivik: 29. September 2022

Illit atit: Mariane Paviasen

Greenland Oil Spill Response A/S pillugu Inatsisartut inatsisaata atorunnaarsinneqarnissaa pillugu Inatsisartut inatsisaat.

Silap pissusiata allanngoriartornera ulluni kingullerni annertuumik misillerfigaarput, Kujataani sialussuarnerup kingunerisaanik savaateqarfinniit savaateqarfinnut aqquserngit, ikaartarfiit, ilaatigullu erngup nukinganik inaallagissiorfiit sapsiartaasa aserornerannik kinguneqarput, Tasiilami piteraqaq annertuumik aseruatiterivoq, qujanartumillu inunnik ajoquseritoqanngilaq, tamaammat Inuit Ataqatigiinni nuannaarutigaarput ukioq kingulleq nunatsinni uuliasiuunnginnissamik siunertat Naalakkersuisunit unitsinneqarnerat.

Nunarsuatsinnimi ullutsinni silap pissusiata allanngoriartornera annertuumik uuliamik atuinerup kingunerisaannik pissuteqartoq ilisimaaraarput. Uagullu maani nunatsinni tulluusimaarutissaraarput nunarsuarmi silap pissusiata allanngoriartorneranut akiuviniutinik iliuuserisinnaasanik annertuumik aalijangersimagatta, minnerunngitsumik kingulissagut eqqarsaatigalugit, nunarsuatta minguinnersumik ingerlaarfigilernissaa peqataaffigigatsigu.

Inuit Ataqatigiinni siunertariuarparput nunatta minguitsumik ilisimaneqartup annerusumik mingutserneqannginnissaa sulissutiguaratsigu, Naalakkersuisut siunnersuutigisaanni pineqarpoq Greenland Oil Spill Response atorunnaarsinneqassasoq taanna naatsumik oqaatigalugu tassaavoq uuliaarluinermut atatillugu mingutitsinermik akiuviniartussatut aningaasatigut tapersiinissamut pisussaaffillit, Naalakkersuisut atorunnaarsitsiniarnerminni tunngavilersuutigisaat tassaapput, sinerissap avataani misissuinissamut qalluinissamullu ikummatissiassanut akuersissutinik ingerlatsivigineqartunik soqannginnera, aammalu Grønlandshave-p ikummatissiassanut akuersissutinik

INUIT ATAQATIGIIT INATSISARTUNI



tunniussinissaq pillugu tamanut ammasumik qinnuteqaqqusinissaq
maannamuugallartoq kinguartinniarlugu naalakkersuisut siorna
aalijangersimanertik pissutigalugu, tamanna Inuit Ataqatigiinniit
nuannaarutigaarput imartarpummi tassaavoq aningaasarsiorfitta annersaat
minnerpaammilluunniit mingutitsivigineqarsinnaanermik
ulorianartorsiortitsivigisariaqanngisarput. Taamaakkaluartoq uuliamik
mingutitsinermik akiuviniarnissamut upalungaarsimanissaq
attatiinnarneqartariaqarneranut Inuit Ataqatigiinniit
isumaqataasorujussuuvugut, ilisarnaatigaarpummi pinngortitaq
avatangiiserpullu eriagalugit mingutsinneqannginnissaat
pinaveersaartittuarlugit sillimaneq tamannalu ingerlaavartuusariaqartoq
isumaqarpugut Naalakkersuisunili siunnersuummi ersarissartikkusupparput
ingerlatseqatigiiffiup pigisaasa ingerlataasalu allamut nuunneqalernerannik
allassimmamata, tassani ungaluuserlugu allassimavaat SIKUKI-lu
isumaqatiginninniarnert ingerlasimasut inatsisilerinikkut najoqqutaralugit
ingerlatseqatigiiffik atorunnaarsinneqarumaartoq, tassani itisilertikkusunnarpoq
paasisaqarfigerusunnarlunilu suliap killiffia. Taasumap akissutissartaa
tusarusupparput soorlu tusarniaannermi

Taamak oqaaseqarluta inatsisissatut siunnersuut Inuit Aqatigiinniit
taparserparput.

Qujanaq